

Na osnovu članova 10. i 20. Statuta Općine Centar Sarajevo-Prečišćeni tekst (Službene novine Kantona Sarajevo, broj 23/04), Općinski načelnik donosi

PRAVILNIK

o kriterijima i postupku dodjele sredstava za subvencije privatnim medijima

I OPĆE ODREDBE

Član 1.

Ovim Pravilnikom se utvrđuje način dodjele, kriteriji, uslovi i pravdanje sredstava medijskim subjektima iz budžeta Općine Centar Sarajevo. Sredstva za ove namjene planiraju se u budžetu Općine na poziciji 6145000-Subvencija privatnim preduzećima, za informisanje građana o aktivnostima Općinskog načelnika, Općinskog vijeća, općinskih službi, javnih preduzeća i javnih ustanova i organizacija civilnog društva (OCD).

Cilj dodjele sredstava iz ovog Pravilnika je osiguravanje boljih uvjeta rada medija čime će biti postignuta kvalitetnija prezentacija rada Općinskog organa uprave i Općinskog vijeća građanima općine Centar i cjelokupnoj javnosti.

Član 2.

Nazivi koji se koriste u Pravilniku.

Nazivi koji se koriste u ovom Pravilniku imaju sljedeća značenja:

1) Medij/medijski subjekt - novine i druga štampa, radijski i TV programi, programi novinskih agencija, elektronske publikacije, teletekst i ostali oblici dnevnog ili periodičnog objavljivanja urednički oblikovanih programskih sadržaja prenosom zapisa, glasa, zvuka ili slike namijenjene javnoj distribuciji i neodređenom broju korisnika;

2) Stručna komisija – tijelo koje broji pet članova imenovano od strane Općinskog načelnika posebnim rješenjem koje razmatra i vrednuje pristigle zahtjeve po utvrđenim kriterijima i prati realizaciju dodijeljenih sredstava

3) Kriteriji – mjerilo prema kojem se prosuđuje da li medij zadovoljava uslove za dodjelu sredstava;

4) Podnosioci zahtjeva – medij koji je podnio zahtjev za dodjelu sredstava iz Budžeta Općine Centar.

Član 3.

Postupak za dodjelu sredstava, iz člana 1. ovog Pravilnika, provodi se na osnovu Javnog poziva koji raspisuje Općinski načelnik.

Javni poziv je otvoren do isteka roka naznačenog u samom pozivu koji se objavljuje na web stranici Općine Centar i sredstvima javnog informisanja.

Javni poziv se raspisuje do kraja mjeseca oktobra tekuće godine za sljedeću budžetsku godinu. U tekstu Javnog poziva određuje se dokumentacija potrebna za sudjelovanje u postupku Javnog poziva.

Nedokumentirane i neobrazložene prijave neće se razmatrati.

Član 4.

Postupak za dodjelu sredstava iz Člana 1. ovog Pravilnika provodi se po prijemu pismenog zahtjeva na Javni poziv. Stručna komisija analizira činjenice navedene u pismenom zahtjevu, te podnosi svoj Prijedlog liste Općinskom načelniku o odobravanju sredstava.

Član 5.

U postupku prijave na javni poziv aplikanti su dužni popuniti prijavni obrazac i dostaviti sljedeće podatke:

-podaci o podnosiocu zahtjeva,

- koncept uvrštavanja općinskih informacija u programsku šemu TV i radio stanica, internet portala i agencija, odnosno u rubrikama štampanih i internet medija, uključujući broj i učestalost objavljivanja;

-tiraž štampanih medija, dokaz o gledanosti TV programa i slušanosti radio programa, te broju posjeta internet portala u posljednjih šest mjeseci i pojedinačno za svaki mjesec;

Sadržaj prijavnog obrasca donosi Stručna komisija i isti objavljuje zajedno s javnim pozivom na web stranici Općine Centar.

Član 6.

Pravo na dodjelu sredstava iz člana 1. ovog Pravilnika imaju medijski subjekti koji ispunjavaju sljedeće kriterije:

- imaju sjedište i registrovani su na području Kantona Sarajevo,
- raspolažu tehničkim, prostornim i kadrovskim potencijalima za informisanje građana o aktivnostima Općinskog vijeća, Općinskog načelnika, općinskih službi, javnih preduzeća i javnih ustanova koje finansira/sufinansira Općina Centar;
- da su spremni u toku kalendarske godine za koju će dobiti sredstva objaviti najmanje 260 informacija o radu Općine Centar.

Član 7.

Stručna komisija nakon provedenog postupka vrednovanja podnosi svoj prijedlog liste o dodjeli sredstava Općinskom načelniku. Prijedlog mora biti obrazložen. Na osnovu prijedloga Općinski načelnik donosi odluku o dodjeli sredstava.

Član 8.

U provođenju odluke o dodjeli sredstava Općinski načelnik zaključuje ugovor sa izdavačima medija koji su izabrani na Javnom pozivu.

Član 9.

Korisnici sredstava iz člana 8. ovog Pravilnika imaju obavezu da Kabinetu općinskog načelnika dostave izvještaj o objavljenim sadržajima na obrascu koji je sastavni dio ovog Pravilnika, a koji se odnose na informisanje građana o aktivnostima Općinskog vijeća, Općinskog načelnika, općinskih službi, javnih preduzeća, javnih ustanova i OCD koje finansira/sufinansira Općina Centar.

Član 10.

Praćenje i kontrolu utroška sredstava iz člana 8. ovog Pravilnika, dodijeljenih korisnicima, provodi Komisija Općinskog načelnika.

Član 11.

U slučaju nepoštivanja odredbi ugovora mediji su dužni izvršiti povrat sredstava i ne mogu ostvariti pravo na prijavu na Javni poziv naredne godine.

Član 12.

Danom stupanja na snagu ovog Pravilnika prestaje da važi Pravilnik broj: 01-49-2135/15 od 30. novembra 2015. godine.

Član 13.

Pravilnik stupa na snagu narednog dana od dana objavljivanja na oglasnoj ploči Općine Centar Sarajevo.

Broj: 10-34-26/17

Sarajevo, 14.02.2017. godine



OPĆINSKI NAČELNIK

Prof. dr. Nedžad AJNADŽIĆ